

LYDENDE EN BEDRYWENDE VORM

Werkwoord = die aksie wat uitgevoer word (*verb*)

Onderwerp = mens of ding wat aksie uitvoer (*subject*)

Voorwerp = mens of ding waaraan dit gedoen word (*object*)

★ In die bedrywende vorm (aktief) begin die sin gewoonlik met die onderwerp.

★ In die lydende vorm ruil die onderwerp en die voorwerp om en die vorm van die werkwoord verander.

Voorbeeld:

Bedrywende vorm:

Die onderwyser help die leerder.

Lydende vorm:

Die leerder word deur die onderwyser gehelp.

★ Leer die volgende formule om 'n sin in die lydende vorm te skryf:

1. Soek die voorwerp (vra: onderwerp + werkwoord + WAT?)

Die sin gaan in die lydende vorm met hierdie voorwerp begin.
(**as daar geen voorwerp is nie, begin die sin met DAAR**)

2. Besluit of die sin in die teenwoordige, verlede of toekomstige tyd is:
(verander die vorm van die werkwoord)

Teenwoordige tyd: **word (deur) + ge-**

Die seun eet 'n sny koek. > Die sny koek word deur die seun geëet

Verlede tyd: **is (deur) + ge-**

Die seun het die sny koek geëet > Die sny koek is deur die seun geëet.

Toekomstige tyd: **sal (deur) + ge- + word**

Die seun sal die sny koek eet. > Die sny koek sal deur die seun geëet word.

Let wel: Werkwoorde wat begin met be-, ge-, her-, er-, ont- of ver- is uitsonderings en kry nie ge- nie (behalwe gebewe, gebedel)

3. Besluit of **deur** werklik nodig is in die sin.